

01 Oct.. 2025

मार्निंग डोगरी न्यूज़ बुलेटिन,

समा. 09.20 Hrs

<> <> <> <> <> <> <> <> <> <> <>

Headlines

- उपराज्यपाल मनोज सिन्हा होरें गलाया ऐ जे बक्खवादियें ते आतंकवादियें दी बोली बोलने आहले खलाफ सख्त कारवाई कीती जाग।
- मुखमंंत्री उमर अब्दुल्ला होरें अनंतनाग च 64 करोड़ रुपे दी लागत आहली 15 पानी आपूर्ति स्कीमें दा उदघाटन कीता। समूलचे जम्मू-कश्मीर च साफ पीने आहला पानी उपलब्ध करोआने दी अपनी वचनबद्धता दोहराई।
- मंत्री जावेद अहमद डार होरें जम्मू-कश्मीर च बागवानी गी बढ़ावा देने ते करसानें दियें चेंताएं गी दूरने लेई सरकार दी प्रतिबद्धता गी दोहराया।
- केन्द्री शिक्षा सचिव होरें जम्मू-कश्मीर च शिक्षा सुधारें दी समीक्षा कीती, शिक्षा क्षेत्र च बदलाव लेई केन्द्र थमां पूरे समर्थन दा यकीन दिता।
- जम्मू च दुर्गा नौमी बड़ी श्रद्धा ते रिवायती कंजक पूजन कन्नै मनाई जा करदी ऐ।

<><><><><><>

LG Football

उपराज्यपाल मनोज सिन्हा होंरें कल चेतावनी दिंदे होई आखेया जे बक्खवादी ते आतंकवादी विचारधारा गी बढावा देने आहलें खलाफ सख्त कारवाई कीती जाग।

उनें गलाया जे इस चाली दे लोक शहीदे दे बलिदान दा अपमान करदे न। श्रीनगर च 20में जम्मू-कश्मीर पुलिस शहीद स्मारक फुटबाल टूर्नामेंट दे समापन समारोह च बोलदे होई श्री सिन्हा होरे आखेया जे जम्मू-कश्मीर दी धरती-जम्मू-कश्मीर पुलिस- फौज ते केन्द्री हथियारबंद पुलिस बले दे शहीदे दे खून ते बलिदान कन्ने सनी दी ऐ ते उंदा मान करना सब्भनें दा कर्तव्य ऐ। उनें सुरक्षाबले दी विजन स्वार्थ सेवा गी ईलाके च अमन रमानदारी ते स्थिरता दी रीढ़ दस्सेया। श्री सिन्हा होरे खेड्डे राय नौजवाने गी बाइखितियार बनाने ताई जम्मू-कश्मीर पुलिस दी सराहना कीती। इस मौके बोलदे होई एल.जी. होरे आखेया.....

<><><><><><>

CM Anantnag

मुख्यमंत्री उमर अब्दुल्ला होरे कल अनंतनाग च 64 करोड़ रुपये दी लागत कन्ने पानी दी आपूर्ति करोआने आहलिये 15एं स्कीमें दा उदघाटन कीता। इनें स्कीमें राय 24 ग्राएं-मोहडें ते इक्क कस्बे दे 7 हजार 5 सौ बद्ध घरे गी साफ-सुथरा ते सुरक्षित पीने आहला पानी उपलब्ध होग। ध्यानजोग ऐ जे जल शक्ति मैहकमा हर घर तगगर मय्यारी पानी पुज्जाने लेई सरगर्मी कन्ने कम्म करा करदा ऐ। इस बड्डी गें दा मकसद इलाके च सेहत ते जीवन स्तर च सुधार आनना ऐ- जेड़ा लोके गी सुरक्षित पानी उपलब्ध करोआने दी सरकारै दी वचनबद्धता गी दस्सदा ऐ। उदघाटन परैन्त मीडिया कन्ने गल्ल करदे होई मुख्यमंत्री होरे आखेया.....

<><><><><><>

Dar Horticulture

राई-बाई दी पैदावार सरबन्धी मंत्री जावेद अहमद डार होरें बागवानी आहले क्षेत्र दी पूरी-पूरी समर्थ- थवां करसानें आसेया फायदा ठोआने लेई हीलें करने आस्तै सरकार दी वचनबद्धता गी फही पक्का कीता। उनें आखेया जे करसानें दे बाद्दे विकास ते उन्दी आमदन गी दूना करने लेई हर संभव जत्न कीते जा रदे न। उनें फलें ते सब्जियें दे बजाय सरबन्धी एसोसिएशन दे नेताएं कन्नै कश्मीर च बैठक लाई ते सरबन्धी पैहलुएं पर विचार-विमर्श कीता। इस मौके इनें लोकें गौदाम सुविधा-डब्बा बंद करने-ट्रांसपोर्ट-खाद्य प्रसंस्करण-फसल बीमा ते e- NAM Trading सरबन्धी मामले पुट्टे। मंत्री होरें पुट्टे गेदे मामलें दे फौरी हल दा भरोसा दोआया। उनें नमीं तकनीकें गी अपनाने पर जोर पाया तां जे जम्मू-कश्मीर दी बागवानी सरबन्धी अर्थव्यवस्था गी बढ़ावा थोई सकै।

<><><><><><>

Sewa Parv

“सेवा पर्व” कन्नै सरबन्धत टकोहदी श्रृंखला तैहत अज्ज अस ध्यान देआ करने आं जे मोदी सरकारें जी-20 च भारत दी कामयाबी गी किस चाल्ली दस्सेया। 2023 च भारत दी जी-20 अध्यक्षता इक्क ऐतिहासिक उपलब्धी ऐ। वसुधैव-कुटुम्बकम् दे सिरलेख कन्नै इनें वैश्विक एकता ते वैश्विक दक्खन दी आवाज गी बुलंद कीता। एदी मुख उपलब्धियें च अफ्रीकी संघ दा स्थाई मिम्बर बनना-वैश्विक जैव ईंधन गठबंधन दी शुरुआत ते सब्भनं दी सहमति कन्नै नमीं दिल्ली घोषणा-पत्र गी अपनाना शामिल ऐ।

प्रधानमंत्री नरेन्द्र मोदी होरें आखेया जे भारत दी अध्यक्षता नै सब्भै लौहके देसे गी अपनी आवाज दिती ते उनेंगी अपने हितें दी नुमायंदगी करने लेई इक्क विशाल मंच उपलब्ध करोआया ऐ।

<><><><><><>

Prog. Announcenent

आकाशवाणी जम्मू दा क्षेत्रीय समाचार एकांश “सेवा पर्व 2025” दे तैहत अपने विशेष कार्यक्रमें दी श्रृंखला दा 8मां ते अखीरी कार्यक्रम वीरवारें 2 अक्टूबर 2025 गी बड्डलै साइडे 9 बजे प्रसारत करने जा’रदा ऐ। 30एं मिन्टे दे इस विशेष कार्यक्रम दा विषय ऐ- “दफा 370 गी खत्म करने दे बाद जम्मू-कश्मीर च बदलाव”। इस कार्यक्रम च स्हाड़े परौहने होडन अनुभवी इतिहासकार, लेखक ते सियासी विश्लेषक प्रो. हरिओम जेहड़े इस विषय दे बक्ख-बक्ख पहलुएं पर अपने विचार सांझे करडन। इंदे कन्नै गल्लबात करडन स्हाड़े न्यूज एंकर जगमोहन शर्मा ते आलम खान। एह कार्यक्रम वीरवारें 2 अक्टूबर बड्डलै साइडे 9 बजे स्हाड़े इस्सै चैनल पर मीडियम वेव 303 मीटर यानी 990 किलोहर्टस ते 100 इशारिया 3 मैगाहर्टस पर प्रसारत कीता जाहग।

<><><><><><>

Union Edu. Sec.

केन्द्रीय शिक्षा सचिव संजय कुमार होरें श्रीनगर च इक उच्च स्तह दी बैठक च जम्मू-कश्मीर च स्कूली शिक्षा च कीते जा रदे सुधारें दी प्रगति दा जायजा लैता।

इस बैठक च मुख करी ध्यान राष्ट्रीय शिक्षा नीति 2020 दी अमलावरी-ढांचागत विकास ते बच्चें गी शिक्षा दी मुखधारा च शामिल करने पर दिता गया। Vocational Training ते बुनियादी पढ़ाई मातृ-भाषा च करने पर बी खास करी तवज्जो दिती गई। PM Shri स्कूलें गी स्मार्ट क्लासरूम ते नमियें काहड़े आहले तौर-तरीके कन्नै होर बेहतर बनाने पर बी चर्चा होई। केन्द्र नै अध्यापकें दी सिखलाई-तकनॉलोजी ते निगरानी सरबन्धी पूरा-पूरा सहयोग देने दा भरोसा दोआया तां जे शिक्षा दे म्यार गी बढ़ाया जाई सकें ते विद्यार्थियें गी 21वीं सदी मूजब लोड़चदे हुनर आस्तै तयार कीता जाई सकें।

<><><><><><>

Durga Navmi

मुख दे बाकी हिस्सें आहला लेखा जम्मू-कश्मीर च बी दुर्गा नौमी दा त्योहार पूरी धार्मिक श्रद्धा कन्नै मनाया जा रदा ऐ। दुर्गा नौमी गी महा-नौमी बी आखेया जंदा ऐ। इस दिन श्रद्धालु मां Siddhidatri दी पूजा करदे न। एह दुर्गा दे 9 रुपें चा इक ऐ। इस दिन लोक कन्या-पूजन यानि कंजक बी पूजदे न ते मां थवां आर्शिवाद लैंदे न ते खुशहाली दी कामना करदे न। बड़लै थवां गै जम्मू दे केई सारे हिस्सें च कंजक पूजन कीता जा रदा ऐ। न्यानी कुड़ियें दी मां दे प्रतीक च पूजा कीती जंदी ऐ। आकाशवाणी कन्नै गल्ल करदे होई इक महिला नै आखेया.....

<><><><><><>

Ramban Food Safety

औंदे त्योहारें आहले दिने दे मददेनजर खाद्य सुरक्षा मैहकमा रामबन आसेया इक विशेष मुहीम चलाई गई।

इस दौरान अधिकारियें बजारें थवां खाने-पीने आहली चीजें दे नमूनें लैते तां जे एह पता लाया जाई सकै जे इन्दे च कोई मिलावट ते नैई ऐ। इस मुहीम दा मकसद खाने-पीने आहली चीजें दी शुद्धता। लोकें दी सेहत ते राखी हिफाजत ते तय मानकें गी यकीनी बनाना ऐ। इस बारे होर जानकारी दिंदे होई रामबन दे खाद्य सुरक्षा अधिकारी बलवीर सिंह होरें आखेया.....

<><><><><><>